

以诗会友 | 上期征稿选登 | 题：品味金色时光

## 古城赏菊话重阳

彭启军

雨住云收现日头，霞烟万缕绕朱楼。  
古城水秀藏诗韵，丽苑花黄颂晚秋。  
满树含娇疏影曳，千枝吐蕊暗香流。  
欣逢故友邀尝酒，闲话重阳忆旧游。

## 遣怀

李发友

坎坷人生浊浪滔，淡泊名利任逍遥。  
酒中取乐观朝日，茶里偷欢弄晚潮。  
胸驻诗书长健雅，心怀笔墨自风骚。  
华山绝壁开天道，何惧川溪少木桥。

## 重阳抒怀

陈兴宇

凉风漫渡暗香增，今又重阳秋点灯。  
日落凭栏人北望，钟鸣寄语雁南征。  
无边往事堂前聚，未尽余欢枕上升。  
极目红尘皆孝道，禅心云水竞相承。

## 采桑子·金色时光

高玮峰

金风玉露点秋霜，欣逢重阳，  
笑簪菊黄，此心不老少年狂。  
此日金樽不宜浅，壮士抚剑，  
张弓开弦，犹望西北射天狼。

佳  
作  
欣  
赏

## 登燕子矶

白书香

南京城北大江流，游至矶头四望收。  
云扫碧空千里目，涛鸣崖下一天秋。  
几经衰盛留荒垒，还阅沧桑焕九州。  
紫燕飞来春草绿，涛声东去水悠悠。

## 咏菊

窦维一

篱边陶令色，寒屋半遮门。  
淡蕊三分雪，孤风一缕魂。  
不随桃李艳，唯共竹松贞。  
莫道秋寥寂，清香浥世尘。